



www.BibleForChildren.org

Juã 14



Jejui 'ga 'jau wemimu'eramũ oree ikue: —Pẽ'arasig kasi ne. Pejepy'a'wyre'emamũ nanẽ pejemogyau nũ. Jarejuwarete 'ga ree etee pejemogypyka pejemogyau. Je ree nanẽ pejemogypyka pejemogyau nũ. Jeruwarete 'ga rupaw ipe kwaiwete 'oga.



A'eramũ je pẽnupawa mogatyrũmũ tewau. Aipo tywe'em ire amunipo 'ã je aipo na'ea'uweri pẽ nupe. Pẽnupawa mogatyrũmaw ire nipo je tejua pẽ nupe, pẽ nerawau peu tejepyri pẽ mogyau.



Je futat ako Juãnamũ. Pẽẽ 'jawe je jemogypygi
Jejui 'ga ree. A'eramũ je pẽneki'yramũ tekou. Pẽẽ
'jawe futat je rekoi, tejerekou tywerukaa

'ga rerowiare'ema 'gã nupe. Je
rereko tywerete futat 'gã.



Pẽẽ 'ã Jarejuwarete
'ga je'ega perowiat.
Je nanẽ 'ga je'ega
arowiat nũ. 'Ga
jejararetea.



Pěě 'jawe jeruagamũ tejereko tywera upe. Napoiri futari je Jejui 'ga rerowiar awi. 'Ga jane rereko. A'eramũ 'ga jane mamuakarukaa mama'e

tywera upe. 'Ypõ'õ pype je rekoï ikue.



Jejui 'ga porogyta a'jea je imome'wau kwe pewara 'gã nupe.



Jarejuwarete 'ga je'ega nanē je imome'wau kwe
pewara 'gã nupe tekou ikue. A'eramũ 'ga
rerowiare'ema 'gã je rerawau je rejaa


'ypõ'õ me ikue, Patimu
'jaw ipe ikue.



Moromunepawa
pypewara 'jawe
tekou 'ypõ'õ pype
ikue.



A'erauwe Janeruwarete 'ga 'Agesagea je pojekau je rerawau ojeupi ai'i. Peu futat je 'wyrirarete renawa resaka ai'i. Peu futat 'ga amũ 'ũina wapyka i'arimũ ai'i.



A'erauwe je tekotee 'gã je'ega renuwi. Ywag ipewat,
ywy pewat, amanũ ma'efera rupaw ipewat, 'yẽ'ẽ
mewat, 'y pewat. Mĩmera 'gã je'ega
je enupa. “Pěẽ 'ã eteete ma'ea.
Pěẽ 'ã ore aramuoryp. Pěẽ 'ã ore
nanẽ ipojeupa nũ. Pěẽ 'ã
pãjěreteea.”




“A'eramũ ore, pẽnemiapofer are juejue pẽ muorypa,
aruojere'emamũ”, 'jau 'gã amaraka'aga 'gã nupe,
'wyriararete renawa 'arimũ wapyk
ma'e 'ga upe, karupa'mĩ
'jawewara 'ga upe 'gã 'jau.



A'eramũ je Jarejuwarete 'ga 'wyrarete yau resaka,
Jerusareg yaua je esaka. Kwe 'ua ojypa ywag awi.
Janeruwarete 'ga futat imojewaka iapou imua. Sã'ã
kũjãmuku ijemuesagea akokatuaw are. Nan tee futat
turi ojypa. A'erauwe je 'ga amũ je'ega renupa: “Awamũ
nipo

Janeruwarete
'ga rekoi ywy
pewara 'gã pype”
'ea je enupa.
“Awamũ nipo 'gã
juejue Jarejuwarete
'ga remiayuwa.
'Ga 'ã 'gã Nuwaretea”
'ea je enupa.



A'ere ywagipewara 'ga 'yrete resaukaa jee. —Koa 'y rykuara 'gã ajemogy nakwaparimũ ete rũi— 'jau 'ga jee. Aipoa 'ya wypysige'emamũ futat okwapa. Ojesaka etee futat typya, kristau 'jawa 'jawe. Janeruwarete 'ga renawa 'wyr awi futat turi. Karupa'mĩ 'jawewara 'ga ma'e 'wyr awi nanẽ 'ua nũ.



Nitywi futari kwara. Jaya nanē otywe'emamũ nũ.
Janeruwarete 'ga ete wenyfugamũ, Karupa'mĩ
'jawewara 'ga retee. A'eramũ opytunaiwe'emamũ.



A'ere 'gã mama'e tywera nuerura'uweri erosou aipoa
'ga 'wyrarete pe. Mama'e tywera apoara 'gã nanẽ
aipoa 'ga 'wyrarete pe nosei nũ.

I'me ma'e 'gã nanẽ nosei nũ.

Karupa'mĩ 'jawewara

'ga ka'aran are

ijekwasiaripyrera

'gã etee te ose aipo

'ga 'wyrarete pe,

ajemogy ma'ea

ka'arana are


ikwasiaripyrera 'gã etee.




“Ga nipo 'gã neaya amukag 'gã nui. Nojoo'ou'jawi
'gã. Namanũu'jawi futari 'ga amũ. Nitywi futari ae
mu'arasigawa. Nitywi futari mama'eaya. A'eramũ
'gã ajaa'wawe'em. Mama'e ymanera
oka'jamap jui” 'ea je aenupap.
'Wyriara renawa pyri
oje'eg ma'e 'ga 'ũina.




Nitywi futari mama'e tywera aipoa 'wyrarete pype.
Nitywi futari "mama'e tywera jee" Janeruwarete 'ga
'jawa. Janeruwarete 'ga renawa 'üi aipoa 'ga 'wyrarete
pe futat. 'Ga remiayuwa 'gã 'ua 'ga muorypa
au'jeteramũ
futat peu. Peu futat
'ga remiayuwa
'gã 'ga reakwara
resaka. 'Ga rera
'gã erekou
ikwasiaa
weapykag are.



A'eramũ je amanũ ma'efera 'gã nesaka. 'Wyriararete renawa rowase 'gã nuri ajemogyau. 'Wyriara 'gã, akotee ma'e 'gã netee 'ua 'upa 'ga rowase. A'eramũ 'ga amũ ka'arana pypekau imogytau. Ywy pewara 'gã nemiapofera rerekwara pypekau ra'ne esaka. A'eramũ Jarejuwarete 'ga remiayuwa rerekwara ka'arana nanẽ ipypekau nũ.




Aipoa ka'aran are Janeruwarete 'ga wemiayuwa 'gã
nera kwasiarukaa rakue. 'Gã tee ajemogyau
Jarejuwarete 'ga pyri nakwaparimũ rũi futat. A'eramũ 'gã
'jau “ajemogy ma'ea ka'arana”, 'jau 'gã aipoa ka'arana
upe. Ywy pewara 'gã nemiapofera rerekwara ra'ne 'ga
amũ imogytau. A'eramũ Janeruwarete 'ga
'gã mepyau 'gã nemiapofer are. A'ere
'ga ajemogy ma'ea
ka'arana resaka.




Janeruwarete 'ga ree ojemogypyk ma'e 'gã nera juejue
ajemogyau ee. A'eramũ ee ijekwasiare'ema 'gã 'ga
imonou imomopoa mama'eukwaawa rapyaw ipe.


Mama'eukwaawa rapyaw ipe oo ma'e 'gã amanũu'jap
ma'e 'jawe futat. Sã'ã janemanũa jane
mopojo'oga janepytun awi. Nan tee
mama'eukwaawa rapyaw ipe oo
ma'e 'gã pojo'ogamũ
Jarejuwarete 'ga wi.



Janeruwarete 'ga 'Agesagea 'jau Karupa'mĩ 'jawewara
'ga remirekorama ẽẽ retee: —Ere ejua! Jejui 'ga je'ega
renupara 'gã nanẽ 'jau: —Ere ejua! I'yuwei ma'eramũ
pe'je pejejua. “Aga 'yrykuara 'gã ajemogy nakwaparimũ
ete rũi” 'jawa petykut.



A'eramũ pẽẽ pejemogyau Jarejuwarete 'ga pyri
nakwaparimũ ete rõi. Aipoa 'ya Janeruwarete 'ga
imonou “y emut ara jee” 'jara 'gã nupe. Nepemonoi
ka'aranũũa 'y muawamũ. Janeruwarete 'ga omono
ekoete te futat enũinara 'gã nupe.



—Janeruwarete 'ga iporomutat
nanimenime pẽ nee. A'eramũ 'ga
a'eramũ wa'yramũ je mua 'au ywy pe
ikue. Majepei tee agawewi je 'ga
ra'yramũ. A'etea 'ga je mut 'awa
ywy pe je jukaukaa
pẽ nupe.



A'eramũ je rerowiaara 'gã amanũmũ
numiamũ. A'ere 'gã oi oferapa
Jarejuwarete 'ga rupaw ipe 'ga pyri
amanũu'jape'ema futat. Peu futat 'gã
jemogyi nakwaparimũ ete rũi—
'jau Jejui 'ga Nikutemu
'ga upe.



Romans 3:23

Najuejue etee futat 'ã janetyweramũ Ku'jywa 'ga upe. Nitywi futari esage ma'e 'ga amũ Ku'jywa 'ga upe. Esage ma'e 'gã etee ajemogyau Ku'jywa 'ga pyri. A'eramũ jane najuejue etee futat jarejemogyau mukumuku 'ga wi. Najane mũ upe etee rũi Ku'jywa 'ga 'i: “Ejetee ejemuesage jee”, 'jawe'em.

Romans 6:23

Anure nipo Janeruwarete 'ga jane mepyyau janeremiapofer are. Mama'e tywera apoara 'gã 'ga imonou muku ojewi. Mama'eukwaawa rapyaw ipe 'ga 'gã monou. Aipoa 'gã nemiapoferarũe'ema repya. A'ere Jejui Kristu 'ga rerowiaaramũ janee Janeruwarete 'ga mama'e esage apou. Jejui Kristu 'ga Janejararetea. 'Ga ree jarejemujar ire Janeruwarete 'ga ojoporoywera 'jawe imua janee. Wa'yra 'ga jane erowiaaramũ 'ga jane mogyau ojepyri nakwaparimũ warãu rũi futat nipo.



Hebrews 9:27

Ywy pewaramũ jane jaremanũmũ najuejue etee futat. Majepei tee futat jane manũi. Nimanũu'jau'jawi jane. Jaremanũ re nipo jane jarewau jarejesaukaa Jarejuwarete 'ga rowase. A'eramũ nipo Janeruwarete 'ga wa'yra 'ga rerowiaaramũ jane monou jane mogyau ojepyri. Wa'yra 'ga rerowiare'ema 'gã nipo 'ga imonou muku ojewi.

Ephesians 2:8,9

A'ere 'ã 'ga jemuaẽmi te jane ree. A'eramũ 'ga jane katu'oka, Jejui Kristu 'ga jane erowiararamũ. Niapoi agawewi futat 'ã jane mama'e esagea 'ga upe rakue. A'etea 'ã 'ga ajemuaẽm jane ree, jane katu'oka. 'Ga futat Kristu 'ga rerowiarukaa janee. Napẽnemiapofera mepyawamũ rũi 'ga pẽ katu'ogi. A'eramũ pẽẽ pejejerowiaraipe'ema pejejee 'ga rerowiaaramũ ne.



Romans 10:9,10

Jejui Kristu 'ga rerowiaara 'gã Janeruwarete 'ga okatu'ok.
“Jejui Kristu 'ga jejararetea”, 'jau pẽẽ. “Janeruwarete 'ga
Jejui 'ga omoferap” 'ea pẽẽ erowiaa. A'eramũ
Janeruwarete 'ga pẽ katu'oka, pẽ pireita pẽtywer awi. “Jejui
'ga oferap” 'ea jane erowiar ire Janeruwarete 'ga 'jau janee:
“Pẽẽ jera'yra 'ga perowiat. A'eramũ pẽẽ pejejesageramũ
jee”, 'jau nipo 'ga janee, Jejui 'ga jane erowiarãmũ. Jejui
Kristu 'ga jejararetea jane 'eramũ Janeruwarete 'ga jane
katu'oka janetywer awi.



John 3:16,17

—Janeruwarete 'ga iporomutat nanimenime pẽ nee. A'eramũ 'ga a'eramũ wa'yramũ je mua 'au ywy pe ikue. Majepei tee agawewi je 'ga ra'yramũ. A'etea 'ga je mut 'awa ywy pe je jukaukaa pẽ nupe. A'eramũ je rerowiaara 'gã amanũmũ numiamũ. A'ere 'gã oi oferapa Jarejuwarete 'ga rupaw ipe 'ga pyri amanũu'jape'ema futat. Peu futat 'gã jemogyi nakwaparimũ ete rũi— 'jau Jejui 'ga Nikutemu 'ga upe.

—Napẽ nereko tyweawamũ rũi 'ga je muri 'au ywy pe. Pẽ katu'okawamũ te 'ga je muri— 'jau 'ga Nikutemu 'ga upe.



1 John 5:11-13

“Jera'yrarete 'ga amanũ pẽ katu'okawamũ. A'eramũ 'ga werowiaaramũ pẽ mogyau namutat oje'jawe. A'eramũ nipo pẽẽ pejemanũ re pejejua 'au pejejemogyau ore pyri jera'yra 'ga rerowiaaramũ pẽẽ nakwaparimũ warãu rũi futat”, 'jau Janeruwarete 'ga janee rakue. 'Ga ra'yra 'ga rerowiaara 'gã ajemogyau namutat 'ga 'jawe. Amanũ re awau ajemogyau Jarejuwarete 'ga pyri nakwaparimũ warãu rũi futat. A'ere 'ga ra'yra 'ga rerowiare'ema 'gã nooa'uweri 'ga pyri amanũ re. Muku te 'gã oi 'ga wi.

Jejui 'ga ree pejemogypyk pejejemogyau. A'eramũ je ka'arana kwasiaa pẽ nupe, pẽ mu'jau Jarejuwarete 'ga pyri jarejemogy are.



Juã 14; 2 Korĩtu 5; Apocalipse 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kayabi NT (kyz) © 2012, Wycliffe Bible Translators, Inc. All
rights reserved.

<https://live.bible.is/bible/KYZWBT/MAT/1>

©2025 Bible for Children, Inc.

www.M1914.org

www.bibleforchildren.org

